



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1514. usque ad annum 1520

Fleury, Claude

August. Vind. [u.a.], 1769

VD18 90118464

§. 48. Continuatio negotii de concordatis

[urn:nbn:de:hbz:466:1-66414](https://nbn-resolving.de/urn:nbn:de:hbz:466:1-66414)

que Administratori, nisi Archiepiscopum ^{Sæcul. XVI.}
pristino honori restitueret, anathematis ^{A.C. 1518.}
poenam comminaretur. Eo autem renu-
ente, Leo Sueciæ Regnum interdicto
subjecit, Administratorem vero atque
Senatum a Communione fidelium ex-
clusit, cuius sententiæ executio Archi-
episcopo Londenensi in Dania, atque Ot-
toniensi Episcopo demandata est, Chri-
stiernus quoque eandem potentia ac au-
toritate sua fulcire rogabatur. Vicissim
vero Administrator pecuniarum summam
ex fidelium eleemosynis in Suecia colle-
ctam Arcimboldo auferri jussit; quorum
tumultuum occasione Christiernus oppor-
tune usus, Sueciæ Regnum occupavit;
illudque sævitia haud unquam audita fœ-
de devastavit, prout in subsequentium
annorum Historia perspiciemus.

§. XLVIII.

Continuatio negotii de Concordato.

In Gallias redeamus, ubi Rex Parla-
menti Concordatum omnino recipere *Vid. supra*
renuentis pertinaciam edoctus, quædam ann. 1517.
hujus Senatus membra accersiri jussit, *s. 13.*
eo consilio, ut suæ sententiæ rationes,
causasque exponerent. Hanc in rem
Parlamenti Curia Andream Verium, &
Franciscum Lognesium Consiliarios de-
cernebat, ut Regi concepta Parlamenti

con-

Sæcul. XVI. consilia aperirent, quæ prius literis data
A.C. 1518 in Parlamento, atque Curiis ad id
congregatis perlegebantur, demum vero
Consiliarii Ambasiam, ubi Rex agebat,
contendebant, ac primo Cancellarium
Montmoran- adibant, ab eo Morentiacum ducem ac-
cys.
cedere jussi, nec tamen Regem alloquen-
di opportunitatem nanciscebantur, Fran-
cisco aliis tum negotiis distento. Die ve-
ro decima quinta Januarii Anno Salutis
millesimo quingentesimo decimo octavo
Morentiacus Dux (*) eisdem præcepit,
ea, quæ peterent, scripto traderent;
hoc enim inquit, destinatum habemus,
ut hoc negotium ceteris quoque Monar-
chis communicetur. Jussis obtemperant
Consiliarii, tandemque ultima Februarii
die Regis conspectum subire permittun-
tur. Acceptavit Rex Scriptas Curiæ pe-
titiones, legitque responsum, quod Can-
cellarius desuper dederat, interrogans,
si quid hisce petitionibus, quod adderet,
Parlamento occurreret; Consiliariis vero
respondentibus, quod Parlamenti Curia
jam id, quod hæc haberet, totum di-
xisset, si tamen Regia sua Majestas be-
nignas accommodaret aures, tunc Sena-
tus

(*) P. Daniel in tom. 5. p. 428. & tom. 7.
p. 398. in sua Historia Franciæ, hunc non fuisse
Ducem Montmorancium, sed Boifum supremum
Regiæ Magistrum existimat.

tus hujus mentem prolixius exposituri Sæcul. XVI.
essent: Rex illico reposuit: exakte peti- A.C. 1518.
tiones Curiæ perlegi, plura verba adde-
re supervacaneum censeo: quo percepto
Consiliarii petebant, ut ipsis responsi,
quod Cancellarius dedisset, exemplar
concederetur: ast repulsam tulerunt, eo-
quod Franciscus Rex judicij acta hac su-
per re instrui prohiberet, quæ Regis vo-
lunta s Parlamento permolesta accidit.

§. XLIX.

Parlementum ad acceptanda Concor-
data a Rege vehementer solli-
citatum.

Demum Deputatis significatum, quod *Pinffon hisp.*
Rex ob libellum ab eis porrectum *Pragm. &c.*
gravi indignatione commotus dixisset, *Concord. p.*
quod præter se neminem alium tanquam *733.*
Franciæ Regem agnosceret, alias vero
ad revocandam Regni pacem se nulli pe-
percisset labori, proin nunquam esset pas-
surus, ut per subditorum contumaciam
ea, quæ in Italia cum tanta sollicitudine
composuisset, evertantur: minus vero
Parlamento suo tantam, qua Venetorum
Senatus polleret, auctoritatem concessu-
rus esset; quamvis enim nil antiquius
sibi duceret, quam justitiam colere, quod
tamen ejus subditi extrema adversus il-
lum moliri præsumerent, prout Parla-
Hist. Eccles. Tom. XXXIII. U tnen-